

PWYLLGOR SAFONAU

PANEL CANIATÂD ARBENNIG

Cofnodion y cyfarfod a gynhaliwyd ar 31 Hydref 2012

YN BRESENNOL: Mr Michael Wilson (Cadeirydd)
Mr Islwyn Jones
Mr Leslie Lord

WRTH LAW: Pennaeth Swyddogaeth (Cyfreithiol a Gweinyddol)/Swyddog
Monitro,
Swyddog Pwyllgor (MEH)

YMDDIHEURIADAU: Dim

**HEFYD YN
BRESENNOL:** Y Cynghorydd O Glyn Jones – Ymgeisydd

1. DATGANIAD O DDIDDORDEB

Ni chafwyd yr un datganiad o diddordeb gan nac Aelod na Swyddog.

2. CAIS AM GANIATÂD ARBENNIG

Cyflwynwyd adroddiad gan y Swyddog Monitro ynghyd â phapurau cysylltiedig mewn perthynas â chais gan y Cynghorydd O Glyn Jones am ganiatâd arbennig fel y gallai siarad fel Aelod Lleol pan fydd cais gan Gymdeithas Tai Eryri i adeiladu tai cymdeithasol yn Ward y Cynghorydd Jones yn cael ei gyflwyno i'r Pwyllgor Cynllunio a Gorchmynion i'w benderfynu arno. Nodwyd bod y Cynghorydd O Glyn Jones yn cynrychioli'r Cyngor Sir fel yr Aelod Portffolio Tai ar Fwrdd Tai Eryri. Nodwyd ymhellach nad yw'r Cynghorydd Jones yn aelod o'r Pwyllgor Cynllunio a Gorchmynion.

Dywedodd y Swyddog Monitro y byddai'r Cynghorydd O Glyn Jones, fel Aelod o Fwrdd Cymdeithas Tai Eryri, â diddordeb personol yn unol â Pharagraff 10(2)(a)(viii) y Côd Ymddygiad. Mae'r diddordeb hefyd yn debygol o fod yn un sy'n rhagfarnu dan Baragraff 12(1) y Côd Ymddygiad oherwydd cafodd y cais sylfaenol, a ddatblygodd yn gais cynllunio, ei sbarduno gan yr Ymgeisydd er i hynny ddigwydd cyn iddo fod yn Aelod o'r Bwrdd. Wedi iddo ddweud wrth Brif Weithredwr Cymdeithas Tai Eryri na fydd yn cael unrhyw gyswllt neu ddylanwad ar y cais hwn yn ei rôl fel Aelod o'r Bwrdd, mae'r Côd Ymddygiad/Rheolau Gweithdrefn Cynllunio yn caniatáu i'r Ymgeisydd ymgymryd â'i rôl fel aelod lleol a hynny ar lefel gymunedol ac yn y Pwyllgor Cynllunio a Gorchmynion ond gyda'r cyfyngiadau isod:-

1. Mae'r Rheolau Gweithdrefn Cynllunio yn caniatáu i aelodau siarad yn y Pwyllgor Cynllunio a Gorchmynion, fel Aelodau Lleol, ond dim ond yn rhoi'r hawl i'r Ymgeisydd fod yn bresennol yn y cyfarfod i siarad. Byddai'n rhaid iddo wedyn adael yr ystafell gyfarfod.
2. Oherwydd y diddordeb sy'n rhagfarnu, gwaherddir yr Ymgeisydd rhag cyfathrebu, ar lafar neu ar bapur, gydag unrhyw Swyddog o'r Cyngor, mewn perthynas â'r cais.

Mae'r Cynghorydd Jones yn dymuno cael caniatâd arbennig i wneud i ffwrdd â'r rhwystrau hyn oherwydd mae o'r farn y byddai hynny'n caniatáu iddo wasanaethu'n llawn ei etholwyr a'r gymuned y mae'n ei chynrychioli.

Dyweddodd y Swyddog Monitro mai'r Seiliau Statudol Perthnasol ar gyfer rhyddhau caniatâd arbennig dan Reoliadau Pwyllgorau Safonau (Caniatâd Arbennig) (Cymru) yw 2(d) a 2(f):-

2(d) – 'bod natur buddiant yr aelod yn gyfryw fel na fyddai cyfranogiad yr aelod yn y busnes y mae'r buddiant yn berthnasol iddo yn niweidio hyder y cyhoedd yn y modd y mae busnes yr awdurdod perthnasol yn cael ei gynnal.'

2(f) – 'os oes cyfiawnhad i'r aelod gymryd rhan yn y busnes y mae'r buddiant yn berthnasol iddo oherwydd rôl neu arbenigedd penodol yr aelod.'

Anerchodd y Cynghorydd Jones y cyfarfod a dywedodd ei fod wedi cael ei benodi'n aelod o Fwrdd Cymdeithas Tai Eryri yn ei rôl fel yr Aelod Portffolio ar gyfer Tai. Dywedodd ei fod yn dymuno cynrychioli etholwyr ei Ward yn ei rôl fel Cynghorydd Sir.

Wedi ystyried y sylwadau a wnaed gan y Swyddog Monitro ac ar ôl gofyn cwestiynau er eglurhad, cyhoeddodd y Cadeirydd:-

Bod Panel Caniatâd Arbennig y Pwyllgor Safonau wedi cytuno'n unfrydol fel a ganlyn:-

- Rhoi caniatâd arbennig i'r Cynghorydd O Glyn Jones gymryd rhan yn y drafodaeth ar gais cynllunio y bydd Cymdeithas Tai Eryri yn ei gyflwyno yn y dyfodol yn ei Ward ac yna, yn y Pwyllgor Cynllunio a Gorchmynion;
- Rhyddheir y caniatâd arbennig hwn dan Reoliadau Pwyllgorau Safonau (Caniatâd Arbennig) (Cymru) 2001 – 2(d) a 2(f);
- Rhoddwyd y caniatâd hyd fis Mai 2013 a byddai angen wedyn ailystyried y penderfyniad oherwydd cyflwyno Wardiau Aml-aelod yn dilyn etholiadau'r Cyngor Sir ym mis Mai 2013.

**MR M WILSON
CADEIRYDD**